

庶物類纂

果屬
自十一至十二

容

庫文官政太			
和	特	三	一
書	別	三	三
門		六	六
		二	二
		番	第
		函	五
		架	十
		冊	五
		號	四
		類	六

404
閣

內閣文庫	
番號	和 32362
冊數	465(421)
函號	特 54 1

共十九



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM: Kodak



周404

新編 皇朝通志 卷之四



黎總



庶物類纂果屬卷之十一目次

庶物類纂

果屬目次

梨

一名山檮爾雅 一名快果名醫別錄 一名蜜父清異錄
 一名百損黃同上 一名淡客西溪叢語 一名果宗本艸綱目
 一名玉乳同上 一名青田果潛居類書 一名玄圃實同上

俗名柰識

梨

梨一名果宗一名快果一名玉乳一名蜜父北地處
 處有之樹似杏高二三丈葉亦似杏微厚大而硬色
 青光膩老則斑點二月間開白花如雪六出上巳日
 無風則結梨必佳有二種瓣圓而舒者果甘缺而皺
 者味酸果圓如榴頂微凹無尖瓣性甘寒無毒潤肺
 涼心消痰降火解瘡毒酒毒乳梨出宣城皮厚肉實
 而味長鶯梨出河之南北皮薄漿多味頗短香則過
 之二梨皆入藥其餘水梨赤梨青梨茅梨甘棠梨禦

兒梨紫糜梨陽城夏梨秋梨種類非一他如紫梨植

光樓香水梨出北地最張公夏梨出洛陽北郊廣都

梨鉅野豪梨重六斤新豐箭谷梨京兆谷中梨率多供御味

色香種種奇絕未可悉數一種桑梨止堪同蜜煮食

生食冷中不益人明王蓋臣二

種梨梨熟時全埋之經年至春生芽次年分栽多著

熟糞及水至冬葉落附地刈之以炭火燒頭二年即

結子若稽生及種而不栽則結子遲每梨有十餘子

惟一子生梨餘皆生杜同上

栽梨春分前十日取旺梨笋如拐樣截其兩頭火燒

鐵器烙定津脉臥栽於地即活

接梨取棠杜如臂以上者大者接五枝小者二三枝

梨葉微動為上時欲開葶為下時先作麻紉纏十數

帛以小利鋸截杜令離地五六寸將原幹用利刀貼

皮剝開尖竹籤刺入皮木之際令深一寸許預取結

梨旺嫩枝向陽者長五六寸削如馬耳名曰梨貼用

口含少時以借其氣挿入杜樹孔中大小長短削與

所刺等拔出竹籤即挿梨貼至所探處縛緊勿動搖

以綿裹杜樹頂封熟泥於上以土培覆令梨僅出頭仍以土壅四畔當梨上沃水水盡以土覆之務令堅密梨枝甚脆培上時須謹慎若著掌則芽折梨貼須去黑皮勿傷青皮傷青皮則不活梨既生杜傍有葉即去之勿分其力月餘自發長即生梨梨生用箬包裏勿為象鼻蟲所傷又云凡接梨園中用菊枝葉得四散庭前用中心取其枝幹直上用根邊小枝樹形可喜五年方結子用鳩脚老枝二年即結子但樹醜若遠道取貼根下燒三四寸可行數百里猶生同上

謹按齊民要術農政全書凡接梨作凡插梨

藏梨初霜即收多經霜不能至夏於屋下掘深窖坑底無令潤溼收梨在中不須覆蓋便可經夏摘時須好接勿令損傷○梨與蘿蔔相間收或削梨蒂種於蘿蔔內藏之皆可經年不爛物類相感志○就樹上以囊包裹過冬乃摘亦妙本州綱目○同上製用凡酸梨換水煮熟則甜美不損人○西路產梨處取甜梨去皮切作厚片火焙乾謂之梨花允為佳

果可充貢俱王禎農書○同上

武后嘗季秋出梨花示羣臣宰相皆賀杜景全獨曰陰陽不相奪倫瀆則為災故曰冬無愆陽夏無伏陰春無淒風秋無苦雨今艸木黃落而梨復花瀆陰陽也同上

梨木堅實枝葉扶疎高二三丈二月中開白花較李花而大有二種瓣舒者佳最宜月下所謂梨花院落溶溶月也洛陽風土梨花時人多攜酒曰為梨花洗妝別有紅梨花司馬溫公詩云繁枝細葉互低昂香敵酴醾艷海棠應為窮邊太寥落併將春色付穠

芳又曰蜀江新錦濯朝陽楚國織腰傳薄妝何事白花零落早同時不敢鬪芬芳八月實始成外黃內白脆美香甘真快果也清異錄謂梨為百損黃圖經本艸曰梨種類殊別醫家相承用乳梨鶯梨乳梨出宣城皮厚而肉實其味極長鶯梨出都中及近都州郡皮薄多漿味差遜於乳梨其香則過之衍義曰梨多食則動脾唯病酒煩渴人空食然終不能卻疾魏文帝詔曰真定梨大如拳甘若蜜脆若菱可以解煩熱昔楊吉老善醫有人叩求診視吉老曰君來年當以

疽毒死今氣血凝結無可解者沈思良久曰唯有鶯
 梨可往京師多買食之是知梨能解毒豈槩謂之百
 損黃也梨亦可釀酒蔡辛禱識云李仲賓家有梨園
 一歲倍收不能盡售漫用大甕儲數百枚以缶掩蓋
 泥封其口過半歲忽聞酒氣因啟視藏梨皆化為水
 清冷可愛竟成佳醞飲之亦醉今廣安州出紫梨到
 戶即化遵化縣出綿梨山東六府並出其種曰紅消
 曰秋白曰香水曰鶯梨曰瓶梨唯東昌臨清武城三
 處者為最而宣城梨國初歲貢五千餘斤及都北平

尚不輟貢後言者以河間遷安梨不減宣城乞罷之
 姑蘇志云梨出洞庭者十種蜜梨臨梨張公梨白梨
 黃梨消梨喬梨鶯梨太柄金花梨太師梨又云常熟
 韓丘出者名韓梨皮褐色肉如玉每歲所生不多價
 極貴凡梨削皮切片不移時變色唯韓梨經日不變
 所以獨貴齊民要術曰種梨以梨熟時全埋經年至
 春地釋分栽之多著熟糞及水至冬葉落附地刈殺
 之以炭火燒頭一年即結子若櫓生及種而不栽者則著子遲每梨有十許
 子唯二子生杜棠梨大而細理杜棠梨大而細理
 梨餘皆生杜杜棠梨大而細理杜棠梨大而細理

惡石槁上挿得為上黎杜如臂以上者皆任挿常先

雖活十收得一一二也杜樹大者挿五枝小者或

得然俱下者杜死則不生三或二黎葉微動為上時將欲開季為下時先作麻

紉纏十數市以鋸截杜令去地五六寸不纏恐挿時

者黎枝繁茂遇大風即披其高留杜者黎樹早成然

宜高作蒿簞盛杜以上築之令沒風時以籠盛黎則

免披耳斜攢竹為籤刺皮木之際令深一寸許折取黎

枝之美而陽中者陰中枝則實少長五六寸亦斜攢之令過

心大小長短與籤等以刀微斲黎枝斲鳥更切斜攢之際

剥去黑皮勿令傷青皮傷即死拔去竹籤即挿黎至斲處木還

向木皮還近皮挿訖以綿幕杜頭封熟泥於上以土

培覆令黎枝僅得出頭以土壅四畔當黎上沃水水

盡以土覆之勿令堅涸百不失一黎枝甚脆培土時宜慎之勿令手掌

擦其十字破杜者十不收一木裂皮開虛燥故也黎既生杜旁

有葉輒去之不去勢分黎長必遲居家必用云以春

分日將旺黎筭作柵樣斫下兩頭用火燒紅鐵器烙

定津脉栽之入地二尺許只用春分日前後一日俱不可又云黎子

最怕凍安頓煖處又不宜與酒相近僂民圖纂曰黎

春間下種待長二尺許移栽或將根上發起小科栽

之俟幹如酒盃大於來春發芽時取別樹生梨嫩條如指大者截長七八寸名曰梨貼將原幹削開兩邊挿入梨貼稻州緊縛不可動搖月餘自發芽長大即生梨梨生用箬包裏恐象鼻蟲傷損洞庭山梨俱用此法或云接梨桑上生子甘脆然齊民要術獨殿桑梨似未可盡信爾雅翼云榷梨日鑽之蓋榷梨為蜂所喜被螫輒不可食故鑽去之今人皆就木上大作油囊裹之梨滋長大而無傷明周文華致富全書謹按種樹書桑上接梨則脆而甘美

鉅鹿豪梨重六斤數人分食之

晉郭義恭廣志

青田村人家多種梨樹名曰官梨子大一圍五寸恆

以供獻名為御梨吏司守視土人有未知味者梨實

落至地即融汁

晉鄭緝之永嘉郡記

北方有七尺之棗南方有三尺之梨凡人不得見或

見而食之即為地仙

梁任昉述異記

洛陽報德寺梨重六斤

唐段成式酉陽雜俎

仲實又云向其家有梨園其樹之大者每株收梨一車忽一歲盛生觸處皆然數倍常年以此不可售甚

至用以飮豬其賤可知有所謂山梨者味極佳意頗
惜之漫用太瓊儲數百枚以缶蓋而泥其口意欲久
藏旋取食之久而忘之及半歲後因至園中忽聞酒
氣熏人疑守舍者釀熟因索之則無有也因啟觀所
藏梨則化之為水清冷可愛湛然甘美真佳醞也飲
之輒醉回回國葡萄酒止用葡萄釀之初不雜以他
物始知梨可釀前所未聞也
宋周公謹癸
辛雜識續集
建業野人種梨者詫其味曰蜜宋陶穀
清異錄
吾鄉諺云斤九釐用以目時人之精慧者不知所本

弋陽德興產梨頗大有至一斤九兩者土人謂之斤
九梨蓋取其類之大者言之猶芋言魁也
明陸深豫
章漫抄
梨如哀家梨金華紫花梨不可見也今北之秋白梨
南之宣州梨皆吾地所不能及也聞西洞庭有一種
佳者將熟時以箬就樹色之味不下宣州當覓此種
植之亦一快也
明王敬美
學圃雜疏
余性雅愛梨花之類而微恨其氣不可嗅吾地醋少
此種溶溶院落何可無此君終當致之
同
上
李昇本徐氏湖州安吉人為安吉令先是其家有梨

樹結一實大如升其父異之將獻郡守有謂其父曰此果非常羊所有即上獻來羊見徵安知復有此物不如勿獻其父然之因會鄰里將共食即席剖之有赤蛇在實中剖者大驚投刃於地俄而赤蛇走其母榻下尋之了無所見未幾其母遂孕知誥

吳越備史
○明陳耀

文天
中記

庶物類纂果屬卷之十二目次

香水梨

紫花梨

乳梨

青梨

鵝梨

拒霜梨

夏梨

鹿梨

香水梨

一名含消梨

三秦記

一名輕消梨

福州府志

一名消

梨 本艸綱目

果屬

香水梨

一

香水梨

香水梨出北地為上品明王蓋臣二如亭羣芳譜

三秦記曰漢武東園一名御宿有大梨如斗落地即

碎取者以布囊盛之名曰含消梨明徐光啓農政全書

謹按羣芳譜東園作樊川園如斗作如五升器盛

作承無三秦記曰四字及含消梨之梨字

消梨即香水梨明李東璧本艸綱目

消梨出南北各處味甘美有大至二斤者明范泓典籍便覽

梨皮薄而脆美者曰消梨邵武府志

醫者意也。古人有不因切脈隨知病源者，必愈之矣。唐崔魏公鉉鎮渚宮，有富商舩居中夜暴亡，迨曉氣猶未絕，鄰房有武陵醫士梁新聞之，乃與診視曰：此乃食毒也。三兩日得非外食耶？僕夫曰：主公少出舩，亦不食於他人。梁新曰：尋常嗜食何物？僕夫曰：好食竹鷄，每年不下數百隻，近買竹鷄，併將充饌。梁新曰：竹鷄喫半夏，必是半夏毒也。命擣薑搥汁，折齒而灌之。由是方蘇。崔魏公聞而異之，召到衙，安慰稱獎，資以僕馬錢帛，入京致書朝士，聲名大振。仕至尚醫奉

御有一朝士詣之，梁奉御曰：何不早見示風疾已深矣，請速歸處置家事，委順而已。朝士聞而惶遽告退，策馬而歸。時有鄜州馬醫趙鄂者，新到京都，於通衢自牖，姓名云攻醫術。此朝士下馬告之，趙鄂亦言疾已危，與梁生所說同，謂曰：只有一法，請官人剩喫消梨，不限多少，時咀齧不及，振汁而飲，或希萬一。此朝士又策馬歸，以書筒質消梨，馬上旋齧到家，旬日唯喫消梨，頓覺爽朗，其恙不作。卻訪趙生，感謝又訪梁奉御，具言得趙生教也。梁公驚異，且曰：大國必有一

人相繼者遂召趙生資以僕馬錢帛廣為延譽官至

太僕卿

唐孫光憲
北夢瑣言


揚州名醫楊吉老其術甚著某郡一士人狀若有疾厭厭不聊莫能名其何等病苦往謁之楊曰君熱證已極氣血消鑠且盡自此三年當以背疽死不可為也士人不樂而退聞茅山觀中一道士於醫術通神但不肯以技自名未必為人致力士人心計交切乃本僮僕之服詣山拜之願執薪水之役於席下道士喜畱寘弟子中誨以讀經晝夜祇事左右頤旨如意

歷兩月久覺其與常隸別呼扣所從來始再拜謝過以實白之道士笑曰世間那有醫不得底病汝試以脉示我纔診脉又笑曰汝便可下山吾亦無藥與汝但日日買好梨喫一顆如生梨已盡則取乾者泡湯飲之仍食其滓此疾自當平士人歸謹如其戒經一歲復往揚州楊醫見之驚其顏貌腴澤脉息和平謂之曰君必遇異人不然豈有瘥安之理士人以告楊立具衣冠焚香望茅山設拜蓋自咎其學之未至也北夢瑣言載醫者趙鄂云一朝士疾危只有一法請

刺喫消梨不限多少如咀嚼不及振汁而飲或希萬
一用其言遂愈此意正同類編○宋張杲醫說

紫花梨

一名紅梨花聞見後錄



紫花梨

紫花梨療心熱唐武宗有此疾百醫不效青城山邢道人以此梨絞汁而進帝疾遂愈後求之苦無此梨常山忽有一株因緘實以進帝多食之解煩躁殊效歲久木枯不復有種者今人不得而用之

本艸圖經

西川志○明王蓋

立欄檻命坐客賦之臣二如亭羣芳譜

梨別有紅梨花司馬溫公詩云繁枝細葉互低昂香敵醱醑艷海棠應為窮邊太寥落併將春色付穠芳

又曰蜀江新錦濯朝陽楚國纖腰傳薄妝何事白花
零落早同時不敢鬪芬芳八月實始成外黃內白脆
美香甜真快果也

明周文華
致富全書

予嘗春日經夷陵山中多紅梨花誦歐陽公之詩裴
回其下不能去近蜀中亦稍見之又有得千葉杏花

於劔州山中者在洛陽花木譜中無之亦奇產也

河
南
邵氏聞
見後錄

左思蜀都賦有紫黎津潤之語注不言其狀按蜀有
梨樹花以秋日其花紅色唐李遵有進紫黎表元王

秋澗有秋日詠紅梨花詞可證

明楊升
庵文集

紫梨花以秋日開紅色


清陳湜子
祕傳花鏡

謹按紅梨花今大坂有之據聞見後錄致富全書
紅梨花開在春而其實八月成也今所有者則此
種也楊升庵文集及花鏡謂紅梨花以秋日開恐
楊氏亦偶見其秋日復花而有此說也抑又其種
有別乎

乳梨

一名雪梨
本州綱目

果屬 乳梨



乳梨

乳梨出宣城皮厚而肉實其味極長 本艸圖經

乳梨即雪梨 明李東璧本艸綱目

國朝王完奏免貢梨疏查得按屬宣城縣每歲貢梨四十斤進太廟薦新又用四千五百斤解赴禮部轉進內府分賜各衙門食用此以下奉上非泰也第嘗考之會典止開南京供薦未有進北京之文臣聞前梨其色味固與諸梨同也士民矯揉其色名之曰雪梨實欲賈虛譽以罔市利聖祖定鼎金陵每歲僅擬

黎四十斤宣城近在畿服任負可至雖多取將不爲虐則寡取之我聖祖愛民之仁蓋欲節其力而不盡也於時如直隸河間并山東等處亦有脆白等黎香美甲於天下而不以紀貢者地遠民勞無益而有損故也厥後遷都冀北於河間等處最近亦猶宣城之於金陵又何今道圖遠爾取辦於宣城之雪黎乎況此黎者每二十斤計可一簍一簍之費雖百錢未了也顧船七隻支銀一百二十六兩官一員部之給盤纏二十兩園戶四名盤纏百倍于官較其黎價纔

十分之一耳果何益哉幸而抵京則經該內官生事需索少不如意動輒措摘解領之夫往往逮繫及死于獄無所抵告吁以一黎之微偶因獲薦庭實而其流之禍至於如此君門萬里其誰赴愬之哉臣思此黎專爲薦新而設寧神之道莫大於得四表之懽心今以一貢而官民疲于奔命勞民傷財鑄爲怨府伏望皇上遠祖三代慎德之道近守祖宗仁義之法毅然賜罷永爲蠲除以培我國家仁壽之脉於億萬斯年豈非一盛德事哉

明陳沂
南畿志

青梨

一名青消梨


八閩通志

俗名挨和柰識

果屬

青梨

一



青梨

青梨實大 晉葛洪西京雜記

果屬

青梨

二

鵝梨

一名水梨
救荒
本艸

果屬

鵝梨

一

鵝梨

鵝梨出近京州郡及北都皮薄而漿多味差短於乳

梨其香則過之

本艸圖經

北京壓沙寺梨謂之御園其栽接之先植棠梨木

與棗木相近以鵝梨條接於棠梨木上候始生枝條

又於棗木大枝上鑿一竅度接活梨條於其中不一

二年即生合乃斫去棗之上枝又斷棠梨下幹根脉

即梨條已接於棗本矣結實所以甘而美者以此頃

又見北人云以胡桃條接於柳本易活而速實

宋張邦基

墨莊漫錄

水梨出北都皮薄而漿多味差短救荒本艸

鶯梨即綿梨明李東璧本艸綱目

謹按鶯梨與綿梨不同李東璧說誤

遵化縣出綿梨山東六府並出其種曰紅消曰秋白

曰香水曰鶯梨曰瓶梨明周文華致富全書

梨其品不一鶯梨皮薄而漿多輕消梨拒霜梨水梨

赤梨紫梨煤梨綿梨梨之糜者也八閩通志

拒霜梨

果屬

拒霜梨

一

拒霜梨

梨多種十月熟者最

江陰縣志

閩楚之橘燕齊之梨霜液滿口足稱荔枝龍眼之亞矣閩中梨初稱建陽今福州有一種十月方熟一顆重至一斤甘酥融液不可名狀但人家有者不常見耳此外有夫人李佛手柑菩提果皆籩園中佳植也
明謝肇淛五雜組

夏梨

一名六月清消梨

興化府志

一名張公梨

花鏡

夏梨

洛陽北邙張公夏梨海內唯一樹晉郭義恭廣志

曹州及揚州淮口出夏梨唐段成式酉陽雜俎續集

梨有六月清消梨有水梨以善本接之乃生世說秣

陵有哀仲家梨甚美大如升入口消釋晉桓南郡每

見人不快輒瞋曰君得哀家梨當復不烝食否言愚

人不別味得佳梨烝食之也興化府志

張公梨夏熟清陳湜子祕傳花鏡

鹿黎

一名榼

爾雅

一名蘿

同上

一名楊榼

郭璞爾雅註

一名

赤蘿

毛詩艸木鳥獸蟲魚疏

一名山黎

同上

一名鼠黎

同上

俗名挨里那密
州山城

鹿梨

榘一名蘿郭云今楊榘也實似梨而小酢可食詩秦
 風云隰有樹榘陸璣疏云榘一名赤蘿一名山梨也
 今人謂之楊榘實如梨但小耳一名鹿梨一名鼠梨
 今人亦種之極有脆美者亦如梨之美者宋邢昺爾雅疏
 江寧府信州出一種小梨名鹿梨葉如茶根如小拇
 指彼處人取其皮治瘡癬及疥癩云甚效八月採近
 處亦有但採其實作乾不聞入藥本艸圖經
 山梨野梨也處處有之梨大如杏可食其木文細密

赤者文急白者文緩

明李東璧
本州綱目





Vertical text on the right edge of the right page, likely a page number or index marker.

